

Gvangjsih Minzcuz Bau

Cawjguen: Gvangjsih Bouxcuengh Swcigh Minzcuz Cunghgyau Swvu Veijyenzvei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.12 Ng.6

Liggaeuq gvejmaux nienz ndwencib ngeihsei

Geizsoq: Gungh daih 3600 geiz

Aen Hoih Yaenglwnh “Seihoih Byaraiz” Caeuq Canghraiz Lai Minzcuz Gvangjsih Minzcuz Bause Youq Nanzningz Banh 广西民族报社“芭莱诗会”与多民族作家座谈会在邕举行

Bonjbauq siusik (gicej Lij Daucih Vangz Yinz Vangz Yijsinh) 12 nyied 1 hauh, Aen Hoih Yaenglwnh “Seihoih Byaraiz” Caeuq Canghraiz Lai Minzcuz Gvangjsih Minzcuz Bause youq Nanzningz banh. Gvangjsih vwnzyoz caeuq okbanj lingyiz Vangz Beivaz、Cinz Yuigyangz、Siz Cauzyungz、Youhraen、Veiz Vahyungz, caeuq gyoengq canghraiz Gvangjsih Cuengh、Gun、Yauz、Myauz、Mauz-nanz、Mulauj daengj lai minzcuz ca mbouj lai 50 boux camgya aen hoih.

Gwnz hoih, Gvangjsih Minzcuz Bause caeuq canghraiz Sawcuengh Yiz Ciz、Cungh Hihcwngh、Lingz Siuyangh、Danz Hijvah、Luz Vanjcinh、Vangz Civeij、Vangz Vazdingz daengj 10 boux canghraiz Sawcuengh ciemdingh, caeuq canghraiz Sawgun Giuh Vwnzgyauz、Ciz Yinzhaij、Dungzyij、Niuzyihhoz、Liginh、Cauh Minj、Veiz Swhyenz daengj 8 boux canghraiz lai minzcuz ciemdingh, baez ciemdingh canghraiz neix gungh 18 boux, miz Nanzningz、Liujcouh、Bwzswz、Hozciz、Laizbinh、Fangzcwnzgagangj daengj dieg.

Mwh fangjdanz, vwnzyoz guvwn daibauj Vangz Beivaz, canghraiz ciemdingh daibauj Luz Vanjcinh、Vangz Vazdingz、Dungzyij、Giuh Vwnzgyauz daengj faenbied hopheux aen cawjdaez “baenzlawz doenggyaq gij rengz lai minzcuz vwnzyoz, gangj ndei gij gojgaeq aen gungdungzdi Cunghvaz Minzcuz, cienzboq ndei gij sing’yaem Gvangjsih minzcuz doxgiet baenaj” ganglwnh. Gyoengq canghraiz giethab gij saedsaeh Gvangjsih caeuq bonjndang cauhguh cingzgvang, lwnh gij fuengfap lohnaemj raiz ndei



▲ 12 nyied 1 hauh, Aen Hoih Yaenglwnh “Seihoih Byaraiz” Caeuq Canghraiz Lai Minzcuz Gvangjsih Minzcuz Bause youq Nanzningz banh.

bien faenzcieng Gvangjsih aen gungdungzdi Cunghvaz Minzcuz、gangj ndei gij gojgaeq Gvangjsih minzcuz doxgiet; daj bause haidin, daezok yigen genyi dijbauj, dingmaenh aeu couqmaenh gij eijsik caezcaemh Cunghvaz Minzcuz guh sienqmeh, doidoengh seizdaih moq minzcuz vwnzyoz saehnieb hwngfat ndei saed; naeuz gij simcingz laebdaeb lai bi baenz canghraiz ciemdingh roxnaeuz bineix baez nduj ciemdingh, caeuq ciemdingh doiq bonjndang cauhguh raiz faenzcieng miz maz bangcoh daengj.

“Seihoih Byaraiz” dwg aen binj-baiz lanzmuz 《Gvangjsih Minzcuz Bau》(banj Sawgun) fuganh ndeu, 2019 nienz 5 nyied cauhbanh, ndwen geiz, geiz banj, dingheiz maeuzveh cawjdaez cauh sei, daeng gij cozbij sei cauhnduj, miz canghraiz、canghsei lai minzcuz haeuicoengh caeuq camgya, bouxdoeg ndaw gih rog gih haeujrwz gyaemaj raixcaix, yingyangj hung. Geij bi neix daeuj, Gvangjsih Minzcuz Bause vih gujli caeuq haeuicoengh canghraiz lai minzcuz Gvangjsih gaenxmaenx cauh-raiz faenzcieng, dap aen bingzdaiz

daeng gij cozbij cauhnduj Sawcuengh、Sawgun ndei, guhbaenz aen gihci canghraiz ciemdingh lai minzcuz. Daengz seizneix, gyoebseueng caeuq 72 boux canghraiz lai minzcuz ciemdingh, gungh daeng gak loih faenzcieng 248 bien, daih’iek 200 fanh cih saw, vih gangj ndei gij gojgaeq aen gungdungzdi Cunghvaz Minzcuz, coihawj gak minzcuz gvangqlangh doxcunz doxgyau doxyungz, giet sim comz rengz hwnqguh Gvangjsih aen dieg yienghndei couqmaenh gij eijsik caezcaemh Cunghvaz Minzcuz.

Ciet Lijyouz Vwnzva Liuz Sanhcej Gaiq Cibsei Youq Yizcouh Haimuq 第十四届刘三姐文化旅游节在宜州开幕

12 nyied 1 hauh, Ciet Lijyouz Vwnzva Liuz Sanhcej Gaiq Cibsei youq Hozciz Si Yizcouh Gih banh. Gwnz haimuqsik, fwen、caijdiu、gofoux daengj doxlwnz hwnj daiz yienj, yinx ndaej baenz fanh vunz daeuj yawj.

Ciuq cam rox, baez ciet lijyouz neix cawjdaez dwg “mbanjanr Sanhcej·Yizcouh fwenhaij”. Hozdung neiyungz lai, fanveiz gvangq、seizgan raez, hawj bouxhek rog gih ndaw gih caezcaemh caeuqfaenh ciengz hoih—

hoengh neix. Hozdung anbaiz Ciet Lijyouz Vwnzva Liuz Sanhcej Gaiq Cibsei haimuqsik yienjheiq、minzsuz cunzyouz、seizdoeng youz Yizcouh、baijgai huq daengj hozdung. Ndwen seizgan ndawde, gyoengq bouxhek ndaej yawjngonz gij bya heu raemx saw gyaeuget、nyinhrox gij vunz gij fungsug lauxsaed, dingq gij fwen Sanhcej ndeidingq, cimz gijgwn ndei deihfueg daegbied gag miz.

Geij bi neix daeuj, Hozciz Si

Yizcouh Gih cungfaen fatok gij goeng-naengz lijyouz angqhoh ngoenzciet, coihawj vwnzva、lijyouz、canjyez hwngfat lai yiengh, senhconz caeuq langhbaiz gij yienghsiengq vwnzva lijyouz, caenh’itbough guh ndei gaiq ciubaiz gim lijyouz vwnzva Liuz Sanhcej Yizcouh. Gvangjsih Hozciz Si Liuz Sanhcej Vwnzva Lijyouz Douzshw Cizdonz Gunghshw cungginghlij Youz Haijhuz naeuz, bineix doxdaeuj, Yizcouh Gih laebdin shw—

yenz lai, cungdenj doicaenh hwnqguh doengh gij hanghmoeg mbanjanr Liuz Sanhcej daezswng hanghmoeg、Aen Gingjih Nuengxroek、Aen Gingjih Byahoihsien daezcaet swng-gaep daengj, bineix 1-11 nyied, Hozciz Si Yizcouh Gih gungh ciepdaih bouxhek 598.36 fanh vunz-baez, doengzbeij demmaj 37.58%; lijyouz siuhfei gungh 59.86 ik maenz, doengzbeij demmaj 10.61%.

(Vangz Haumingz daj Sinh-vazvangj genj aeu mbangj hoiz)